

醫案夢記下卷

陳祖彛丹臣

暨徐守愚氏著

五品銜
縣典史

陽羨孫文濤蘭圃鑒定

王正本黼亭

裘振箕亦樵

袁殿燮和夫

趙榮恩葦薌氏 同校

劉遐年子餘

薛炳文子寅

男子
子磨小愚述編

偕胞弟小
立泉率子聖聰
學同

朱雲樵

沈筱泉校字

劉永豐臨本卷

劉永豐臨本卷

劉永豐

劉永豐

目錄

沈某嘔吐證一

楊某肝病案二

史某氣喘壞證三

呂某暑濕症四

朱痰喘證缺

張某肝病五

唇口牙床糜爛喉

陳祖壽先生內傷案後

痛齒痛案八

附跋一篇

竹目疾六

王式齋先生足病九

經驗方法一百二十餘方

一頁二十行

花日表

王八海

薛尚節

楊州一

光緒二十一年

楊州

月

剡南蠡湖沈渭川嘔吐證

病者年五十餘詢知今歲春初忽然嘔惡不止
腹內脹滿不得飲食少頃卽吐每食惟進酒數
爵縱飲當飯自春至夏日甚一日目前肌肉瘦
削步履艱難按脈右關寸浮大左關寸沉弦明
係肝木侮脾及胃證非輕渺余用半夏瀉心湯
加茯苓烏梅數劑獲效可知寒熱錯雜氣道阻
塞以致食物不入必藉苓連之苦降人參之補
運干姜之辛開半夏之平衡逆茯苓之開胃陽

始盡止嘔進食之妙况甘草合干姜之辛爲辛
甘化陽合烏梅之酸爲酸甘化陰不第寒熱互
用抑且陰陽並調矣

姜夏四路党三川連一黃芩一甘草一茯苓
三烏梅二干姜一大棗三個

新昌煙山楊波水內傷肝病案

丙子二月十二日

肝病踰年不愈正月交立春漸加午後潮熱入夜不寐手足抽掣至三月清明節到更覺發熱不休竟夜不寐抑且手如揮拳足如轉筋病日加重幸胃氣尚強猶可扶持否則乘脾致脹勢難爲矣按六脈弦大清晨稍平繹病情上則肺衛之陽不固中則脾中之陽抑遏下則腎中之陽浮遊所以身熱不寐諸證蜂起可知肝賊一縱一橫肆行無忌脾肺腎三經受困以致津液

枯涸陽氣大虛。筋肉失養。如魚失水。故手足筋
惕在所不免。治宜溫補爲急。一切陰分之藥俱
難任用。古人云。治肝不應當取陽明。又云。脈數
大軟弱爲陽虛。從此着想。不患無治。

此人去冬病內傷。曾延余醫。未能復元。旋至
今春。忽然午後發熱。夜則多寤。少寐。兼之手
足抽掣。時醫某認爲怔忡。謂諸證皆陰虛所
致。用龜版鱉甲牡蠣熟地首烏遠志棗仁青
蒿生地等味。遂覺身更大熱。竟夜不寐。抑且

手如揮拳厲聲並發足如轉筋少寐卽驚直
有不可終日之勢乃延余治診脈數大軟弱
顯係陽虛尋常育陰養筋之劑不能勝任須
變法治之○仿古人治肝不應當取陽明以陽
明主宗筋束宗骨以利機關者也先用參耆
建中湯一劑○病人自知氣○遍○四○肢○似覺有效
再劑而病如故余誠不解病者自謂芍藥伐
肝素所怕服噫豈真芍藥伐肝之故耶乃改
投耆附朮附參附三方合用加烏梅杞子棗

仁茯神炙草桂圓肉生薑所謂辛甘化陽酸
甘化陰陰陽互進庶不失肝病之治又早晨
用半夏秫米湯加茯苓桂枝桑葉丹皮生薑
大棗以不寐之證由陽極升而不入陰鬱沈
而不附居多急宜交陰陽引衛入營所以半
夏秫米能使速睡其餘桂枝茯苓通陽桑葉
丹皮清熱古人謂胃不和則卧不安此方和
胃兼理少陽亦治法之所旁及耳後以四君
加黃耆扁豆兼吞薯蕷丸調養數月而愈

半夏平
入胃經氣
分即從陽
通衛泄邪
秫米甘酸
入胃經血
分即從陰
通營補虛
陰陽交通
其臥立至
故以病新
發者服之
有覆杯則
臥之效

晨服姜夏三一合赤苓三桂枝一冬桑葉一

丹皮廣皮炙草一一生薑一

午服路党三黃耆三烏梅一仙居朮二棗仁三

茯神三淡附子一桂圓七個紅棗五個生薑一

臨臥服東參三桂圓七個紅棗五個此方病者自
欲服此非余意也

薯蕷丸金匱治虛勞諸不足風氣百疾

薯蕷專理脾胃上損下損至此可以撐持四

君合神曲豆卷生薑大棗除濕益氣四物合

麥冬阿膠養血滋陰柴胡桂枝防風去邪散

熱杏仁苦更白藪下氣開鬱惟恐虛而有熱
之人滋補之藥上拒不受故爲散其邪熱開
其熱鬱而氣血平順補益得當至當不易之
道也

白藪味苦微寒微辛反烏附解狼毒毒薯蕷
丸用之取其辛涼散結以解風氣百疾之蘊
蓄又本經治目赤驚癩溫瘧取其解熱毒之
力治陰墮帶下取其去濕熱之力同地膚子
治淋濁失精同甘草解狼毒之毒

刻崇仁鎮史美林氣喘壞症治畧

丙子三月二十日

美林年臻五旬夜間赤身立堦下撒小尿偶爾感冒次日卽身熱欬嗽日夜危坐不得就枕所謂外感之喘多出於肺爾時用麻黃桂枝峻散可愈乃醫者因其平素體質虛弱而用蘇杏輕劑不效改投參附溫補而病遂增後延裘小山周漁帆二先生一用赭石旋覆花湯一用半夏瀉心湯喘得稍平而滿口白胎板實如故其間邀余數次適往煙山越十餘日余歸復邀診脈

右關息止左寸見結而舌胎又板白如雪是火
不制金心氣絕而肺色乘於上也法在不治然
病者望余救藥已久余憐其一息尙存勉用小
青龍湯折爲小劑與服倘肺氣一開得復外降
之常便有生機此亦醫家婆心則然耳服藥後
至半夜漸可着枕定屬向安不意次朝頑痰上
壅頃刻而逝可知病危至此醫者慎勿倖愈爲
心貪功而招殺人之謗也諺云送終難過信然

刻

黃勝堂呂學琴暑濕證治畧

丙子三月廿八日

病屬暑濕相兼醫者第知溼濕而不知祛暑牽
延十五日猶然身熱如焚忽一日顛狂大發甚
至持刀行凶工人被傷內子不敢近余診其脈
左關弦硬實大餘俱虛細舌苔白滑身熱口苦
便閉溺赤知爲暑濕內留木火上逆所致與邪
入心包不同一切至寶丹牛黃丸俱不可投服
余方一劑行十里許時遂卽大解解後神識漸
清能食粥飲次朝學琴謂余曰刻家人言吾昨

日狂亂不堪幸先生救藥乃得安余再書溫膽湯加生白芍囑服數劑自然全愈

初方

醋製半夏

四

生甘草

一

赤苓

四

木通

三

車前三

生梔仁

五

龍胆草

一

柴胡

三

黃苓

二

澤瀉

三

元明粉

四

此方卽千金消暑丸合龍

胆瀉肝湯去生地之甘滯當歸之辛溫而加

元明粉通關降火以直折之庶肝火之上逆

者潛伏而潛消繼乃用溫膽湯加生白芍以

和之蓋肝與胆相表裏胆附於肝肝熱則胆